







الهيئة الثقافية لطاوع مصر  
٢

مايو ٢٠٠٥

أجلامنا  
وأشعار أخرى

---







السيدة الفاضلة / سوزان مبارك  
رعاية الطفولة في مصر



## تقدير



تقديراً لدور السيدة الفاضلة سوزان مبارك في مجال الطفولة والشباب الذي أشادت به الهيئات والمنظمات الدولية وتلبية لدعوة سيادتها بضرورة الإهتمام باكتشاف المواهب الصغيرة وتنميتها ورعايتها بما يحقق النمو الفعلى والفكرى والوجدانى.

تولى وزارة الشباب إهتماماً بالغاً برعاية الموهوبين فى شتى المجالات.. وكى تؤتى هذه الرعاية ثمارها، فقد أنشأت الوزارة شعب للطلائع للموهوبين فى المجالات المختلفة:

(الموسيقى الوترية، موسيقى النحاسية، الكورال، الفن التعميرى، المسرح، أندية المبتكرين علمياً، أندية القرن الحادى والعشرين، جماعات البيئة، و المنتديات الثقافية)، وذلك بمراكز الشباب بمختلف المحافظات.

حيث يتم تنويع نشاط هذه الشعب بتنظيم مهرجان لكل منها يتضمن ورش عمل فى أنشطة الشعب.

وهذا الكتيب هو نتاج ورشة عمل الشعر بالمهرجان الثقافى للطلائع أعضاء المنتديات الثقافية.

فكل شكرى لهؤلاء الشعراء الصغار ، وشكرى أيضاً للقائمين على هذا العمل.

الدكتور / ممدوح البلتاجى

وزير الشباب

وزارة الشباب  
الإدارة المركزية للطلائع  
السلسلة الثقافية لطلائع مصر

رئيس مجلس الإدارة  
د. ممدوح البلتاجي

رئيس التحرير  
د. محمد أبو الخير

مدير التحرير  
محفوظ على

هيئة الإشراف  
محمد الغمري  
إبراهيم عبد السلام - عبد الرازق غندور

لوحات  
أحمد شربى

المراسلات  
وزارة الشباب  
الإدارة المركزية للطلائع  
شارع ٢٦ يوليو، ميدان سفنكس  
تليفون وفاكس: ٣٤٦٧٣٦٧  
tmisr@alshabab.gov.eg  
www.pioneersegypt.com

التجهيزات الفنية والطباعة  
الشركة المتحدة للطباعة والنشر والتوزيع  
(المطبعة الأمنية)

## إشراقة



عالمنا المعاصر وما به من تعددية ثقافية وثورة تكنولوجية تحتم علينا أن نضع رؤى جديدة لتحديات المستقبل.

وانطلاقاً من الإستراتيجية العامة للإدارة المركزية للطلائع التي تؤكد على الكشف المبكر عن المواهب (من ٦- ١٨ سنة) في مجالات النشاط المختلفة وصقلها ورعايتها لهذا نعمل من خلال الشعب الفنية والمتنديات الثقافية، وأندية المبتكرين، وأندية القرن الحادى والعشرون، وجماعات البيئة برعاية أبناء هذا الوطن من الطلائع الموهوبين والمبدعين .

وهذا الإصدار الذى بين أيدينا هو نتاج أحد المهرجانات الثقافية للطلائع أعضاء المتنديات الثقافية بمراكز الشباب والمنتشرة بالمدن والقرى والنجوع في محافظات مصر، والذى تضمن ورش عمل في مجالات أدبية مختلفة كانت أحدهما ورشة عمل في مجال "الشعر"، والتي أثمرت هذه المجموعة من الأشعار بأقلام أدباء المستقبل.

تمنياتى أن تكون هذه السلسلة الثقافية منارة في طريق الإبداع، وأيضاً للتواصل بين الأجيال، وفتح لغة حوار مع الثقافة العالمية، لتقديم رؤى جديدة مستنيرة لمصرنا الحبيبة.

د. محمد أبو الخير  
وكيل الوزارة  
رئيس الإدارة المركزية للطلائع

# أحلامنا وأشعار أخرى

١٢ —  
هاتول أشمارى



١٠ —  
أحلام يقظة



١٦ —  
أجرى وحصل حلمك



١٤ —  
حلم ضايح



٢٠ —  
حلم عمري



١٨ —  
أمل



٢٤ —  
وبحلم كل يوم



٢٢ —  
أحلامي



٢٨ —  
حلمى



٢٦ —  
بحلم بمقاد





٣٠  
أحلام شاب



٣٢  
أفنييتي رهالة



٣٦  
أنا حلمي أكون فنان



٣٨  
حلم



٤٠  
الحلم الكبير



٤٢  
حلم طير



٤٤  
حلم مصر



٤٦  
بحلم بالحرية




٤٨  
إهنا وأهلامنا



٥٠  
غريب



٥٤  
بحلم بابه





## أحلام يقظة

أحلام اليقظة يا عمري لا تعرف قيلاً أو نسيان  
لا تملك آذاناً كي تسمع .... أمراً أعطاه السجان  
بخطاها أسرع من إعصار أو كالريح  
لا تعرف فرقاً بين معاني ... بين جريح  
هي في المجهل أحلام  
وأنالهم أسمع عن حلم  
لا يعبر جسراً بالأقدام

\*\*\*\*

قد يصصح حلمي وردى  
أو حلم بقاء أبدي  
أو أحلم أن يعمل عقلي  
في جسدي ليس بأرضي

\*\*\*\*

قد أحلم بكنوز قارون  
أو نخل يطرني بجنون  
أو يصصح إسمي في عظمة  
ملكاً لشعوب الليمون  
فعقول اليقظة قد تدنو من سور جنون

أحمد إبراهيم الحفناوي

١٨ سنة

مناظرة الغريبة



## ج أقول أشعاري

حلمى إننى حاقول أشعاري .... حاقول أشعاري .... حاقول أشعاري


أنا بالفن ح أعيش متواضعة	مهما الشعر رفعتى لفقوى
منه بأصور أى مواجه	وأخدم كل الناس بالذوق
حب الحير من جدى السابغ	وارث حب ولهفة وشوق
حافظل أقول للناس أشعاري	هنا ولغاية بعد أسوان
باحلم تبقى الصحرا جنائين	والريف يطرح لوز وسنابل
دا أنا بتمنى لمصر كمان	كل الناس تتكلم عنها
عنها يقولوا بكل أمانة	جينا علشان نتعلم منها
علم ونور وكفاح وكرامة	وبتمنى نكون فى مكانها
من أجيال شايفتها علامة	سبقت كل الناس فى زمانها
ما أنا بتمنى أخش الجملة	وأسكن فيها مع الأخيار
وأيّا رسول الله واتمنى	بعد ما عشت فى دنيا مرار
يبقى معايا ونيس فى القبر	الى حفظته من القرآن
بليد المولى يجبر خاطرى	لجل ما حسس بالإطمئنان

١٣

إيمان محمد جنانو

سنة ١٨

محافظة الدقهلية



## حلم ضائع

كان لباً بيت جميل	مليان خضرة ويساتين
نفسى أرجع له تانى	بس دا بقى مستحيل
هو دا أملى الوحيد	هو دا حلمى الجميل
نفسى أضحك يا عراق	بيكى من حضن الفراق
حبي ليكى يبقى باقى	مهما تبعـدنا السنين
راجعـة وف قلبى حنين	مهما رحـت وغبت سنين


صفا فتوح على عيطه  
١٧ سنة  
محافظة الدقهلية



## إجـرى وحـصل حـلمـك

إجـرى وحـصل حـلمـك      و إوعى القطر يـفـوتك  
أوعى تعيش من غير إحساس      بكرة هيجى ويلقاك عابش  
ولا تنسى ولا تستناش      مد شرعك عدى بحور  
وأوصل كل جزائر النور      وبصوت واضح مش مكسور  
إسـط رأيك عدى السـور      أنا جيتك من عند الماضى  
والشوق الحاضر مش عادى      لو لسه باقىالك غـنوة  
قولها صراحة فى وسط الوادى      وما تخفش من كلمة اتقالت  
مهما تكون دى مش شىء عادى      مش بهـدوء هيمعدى الكون  
والبحر العالى مش هـادى      وكلامى حيوصل للناس  
وأنا أقدر أحقق أحلامى      أزرع وأقلع وأجنى حصادى  
وأكفى نفسى بإمدادى      وانجح فى حياتى ودنياى  
وعن نفسى راح أكون أنا راضى

مصطفى بدوى مصطفى  
١٧ سنة  
محافظة الأقصر






## أول

علمى عالم متصالح	عنوانه..... الحسب
ألاقى ود وإخلاص	يكون من القلب
والناس تبقى متحابه	ومتعرفش الحسب
باحلم بعالم متصالح	ومفهمش حروب
ولا فيه واحد غالب	ولا فيه مغلوب
الناس فيه دائماً متحابه	علشان فى صدورهم قلوب
ومصر بلدى الحبيبة	تفضل فى أمان
والرملة الصفراء فى الصحرا	تصبح بسبتان
وشباب واعى متحضر	رافض داء الإدمان
والعلم يرفع رايته	فى كل مكان
وحبيى الللى بحبه	ألاقى ولهم أمان
بحلم بعالم متصالح	ومفهمش حروب
ولا فيه واحد غالب	ولا فيه مغلوب

أحمد الصاوى محمد  
١٥ سنة  
محافظة المنوفية



## هلم عسرى

أنا بحلم ويتمنى  
سبقنى قلبى قسام غنى  
أنا بحلم ويتمنى  
أنا بحلم وكل أمال  
ولما أصحا على فجرى  
أنا بحلم ما بعرف خوف  
أنا بحلم وباعنى  
أنا بحلم بشمس النور  
أنا يحلم بكل جمال  
تمالى وأحلم يا مصرى  
أنا بحلم ويتمنى  
أكون شاعرة وأعيش عصرى  
قصايد بالأمل تسرى  
أكون شاعرة وأعيش عصرى  
وغلى ساعات باقول موال  
أمتنع عيني بكل جمال  
دا حلمى أساسى فى عصرى  
أكون شاعرة وأعيش عصرى  
تنورلى طريق النور  
أشجار نبات وكرمان زهور  
وهانرفع أكيد مصرى  
أكون شاعرة وأعيش عصرى

صفاء أحمد مصطفى  
١٢ سنة  
محافظة الدقهلية




## أحلامي

أحلامي كثيرة وما لها شئ عند  
أحلامي كبيرة ومش عالاد  
أحلامي بتكبر طول ما العد دا ملهوش حد  
بحلم أكون زى الطيور  
أطير وأعيش عيشة السرور  
وأطير وأنا وبدر البدور  
قمر الليالى والسمهر  
بحلم أحل المشكلات  
واحلم أطوف بين البلاد  
وأعيش بقى عيشة ذوات  
فيها الحواشى والخدم  
وهى دى نهاية حلمى  
نهاية الحلم الحاضر  
وطول ما فى العمر بقية  
ده لسه فيه أحلام جيه  
ولسه فيه أحلام جيه  
ولسه فيه أحلام جيه

أحمد محمد محمد

١٥ سنة


محافظة جنوب سيناء



## وبحلم كل يوم

أنا واد من الفيوم      وبحلم كل يوم  
بحلم حلم مصرى      وعارف كويس أصل  
بحلم حلم شريف      أنزل وأروح الريف  
واجتمع الأفكار      فى كتابة الأشعار  
بحلم بكتاب لنا      يعبر عن أمانينا  
وأنا واد من الفيوم  
وبحلم كل يوم  
بحلم بمدرسة حلوة      مفهاش دروس خصوصية  
فيها المدرس والبد      ودروسه حنية  
وأنا واد من الفيوم  
وبحلم كل يوم  
سيبوني أحلم بجنينة      فيها الورود ألوان  
أجرى وألعب براحتى      أصلى أنا انسان  
وأنا واد من الفيوم  
وبحلم كل يوم  
بحلم بحضن أبويا      بدل شغله الكثير  
يضمنى يدفينى      وأعرف حاجات كثير

كريم محمود محمود  
١٥ سنة  
محافظة الفيوم





## بِحَالِمِ بِمَعَادٍ

معادى معاك الساعة خمسة أنا هستناك  
م النجمة أنا هفضل مستنى وكان مشتاق  
اتعود قلبى من يومه هجرك وهوواك  
معادى معاك الساعة خمسة أنا هستناك  
أنا هافضل ع الخط ومستنى كتير  
لو غبت هستنى ومش همشى وأفوت  
هستنى يا حبيبى يهل لقاك  
معادى معاك الساعة خمسة أنا هستناك  
من قبل معادك هستناك يا جميل  
لو شفتك بعيونى بحن  
ما أنا بحلم بمعاد وياك  
دا معادى معاك الساعة خمسة أنا هستناك  
تعرف لوجت خمسة وخسة هاعند وياك  
يا حبيبى يا إما ترضينى يا إما فراق  
يتمتع قلبى وأيامه بشوقك ورضاك  
تعرف لوجت خمسة وخسة هاعند وياك  
أصل مواعيدك كتير التأخير  
ومش هغلب يا حبيبى ولا أطق وأموت  
ما أنا عارف نفسى من غيرك ولولاك  
تعرف لوجت خمسة وخسة هاعند وياك  
وأتمنى الحلو بعدى ويميل  
وأبص وأقول أمتى يمن  
وإن طالت مسافات ما أنساك  
تعرف لوجت خمسة وخسة هاعند وياك

آية سيد على مسانين  
١٧ سنة  
محافظة السويس



## هالمة

أنا نفسي أكون دكتورة  
مشهورة وكم إن معروفة  
أعتر بيلدى وأحيها  
وأعالج الناس وأشفيها  
وأحقق كل أحلامي  
أحلام حبايى وجيراني  
أنا بأدى رسالة واقعية  
مش حاجة تافهة ووهمية  
وينادى باسم الحرية  
مش أموت بالحرب الأزمية  
أنا عربية وأنا فدائية  
أنا أصل بحسب الحرية



## أحلام شاب

أوعى تفكرى أنى بحبك  
وأنا مسلم يا حبيبتي بأصلى  
مش ممكن أسبب اللى ورايا  
يعنى خلاص مشاكلنا أنحلّت  
وف لبنان والقدس وسوريا  
والمسلم هايوحد صفه  
يمكن يمكن لو نتوحد  
ونلاقى الأطفال بتغنى  
والبحر الميت يتنفس  
والعربى ف أفريقيا وآسيا  
واللى يقول الله وعمد  
لازم الأقصى يكون ف ضلوعه  
يمكن يمكن لو نتوحد  
دى أحلامى ودى أمانيا

أنى يموت فى عنيكى السود  
ليه أمانى وليه حدود  
وأقعد أقسملك عا العود  
وإننى خلاص آخر العنقود  
أسترجلنا بقيتنا أسود  
ضد اللى ما يتسموا يهود  
الأشواق ف قلوبنا تعود  
لبنينا الغالى المحمود  
يعنى هايبقى دا يوم مشهود  
يمشى طريق الخير ممدود  
يشهد أن الله موجود  
مش ملزوق عا الباب وعمود  
الأشواق ف قلوبنا تعود  
أحلام شاب طموح وودود



## أُنْسِيَّ رِحالَة

قوموا بينا نقول أغانينا  
وهنحلم مع بعضينا  
دا الحلم جميل يا أولاد  
بينور ليالينا  
هنتقول على أم الدنيا  
طول عمرك ولادة  
أولادك دول حاجة تانية  
ونجيب أهو كان محفوظ  
وزويل فكرة ممتازة  
طب ليه منكوشن معاهم  
هنتفكر نحلم لينا  
بلياالى نكون وياهم  
وإيديهم ماسكة إيدينا  
طب قول أحلامك أيه

إنكلم قول وينا  
أنا نفسى أكون طيار  
وأنا نفسى أكون دكتور  
لا لا لا .....

أحلامكوا هزار  
أنا نفسى ف أجمل صورة  
أنا نفسى سلامنا يسود  
والف العالم كله  
وأشوفه سلام موجود  
ولمصر دا حلم حياتى  
أجادهها زمان بتعود  
ويجيلها اليوم وتسود



وأغنى نشيد النصر  
وأقول يا حبيبتى يا مصر  
دى بلدنا أم الدنيا  
فى الأرض وتد مشدود  
بس أنا طمعانة لنفسى  
حاجة بسيطة  
لو ربى يرضى عليا  
هتكون أيامى ندية  
هنسى همومى ومشاكلى  
واحلم بكرة حواليا  
بسعادة تعم الكون  
وليالى جميلة هنية




## أنا حلمي أكون فنان

لجل أرسم بالألوان	أنا حلمي أكون فنان
وأعبر بالوجدان	وأعيش كل زمان
وأرسم يابس ومحيط	وأخطط بيت في الغيط
وطفلة كمان أميرة	وأرسم صورة لعصفورة
والقيه دائماً ملبان	وأتمنى أعيش في مكان
بتهز أحاسيس إنسان	بمناظر ليها ألوان
فيها كلمة صدق أكيدة	بحلم وبدنيا سعيدة

هاختم أغنيتي وأقول  
ربي خليني أنول  
اللى أتمناه في الحال  
وأحطم كل محال

بشينة فؤاد سيد محمد  
١٢ سنة  
محافظة الجيزة



## حالم

الشمس ، النور ، البحر جميل	العمر يبجى مع العصفير
ويلادى بتحيا مع أحفادى	ونعيش دايماً على أرض بلادى
دى حياتنا ، حياة الكل حياتى	دايماً عايشين على أرض بلادى
أحلم بسلام بين الإنسان	سارى فى الشريان
يتشرببقى أحلام	تهدى الأمل للإنسان
ويقول للعالم: إحنا هنا	شعب الفرسان
شعب عايش للوجود	صاحى ويقظان
ونلف ندور دايماً ونقول	على طول هنكون
زى ما بنعوز هنكون	والكون ح يكون



## الحلم الكبير

حلماً أعلی لفوق وأطیر	حلماً کبیر وخطیر
وأخلی راسها دایماً عالیة	أحمی بروحی بلادی الغالیة
علی جناحه دایماً حاملنی	هوا بلادی بفضل شایلنی
یشرق ثانی من فوق علیا	ضوء الشمس فی الصبحة
نضیف وجمع ذراته نقبة	نفسی ألاقی الهوا حوالیه
نجمتها دایماً بفضل بارقة	سما بلادی بفضل زرقة
بیشق مصر زی العروق	نفسی أشوف النیل من فوق
بالطول وکمان بالعرض	شجر یغطی جمیع الأرض
إلی قولت علیه خطیر	هوه ده الحلم الکبیر
زی السحاب أو العصفور	إنی أعلی لفوق وأطیر
وحققه بكرة أكید	هوه ده حلماً الوحید
حتى یكون دایماً وعید	وهقوله لبنی وللولید

نور ناصر إبراهیم

١٥ سنة

محافظة المنوفية





## حلم الطير

حلم بسيط .. حلم قصير	أنا كان دائماً حلمي صغير
أطير وأرفرف مع التالى	أحلم وأعيش في خيالى
ياما مشيت ورا أحلامي	وياما حلمت وياما جرّيت
مع أصحابه يلعب يكبر	نفسى أشوف الطير الأخضر
يبدأ يومه وليله بحمده	ويسبح لجلال ربه
غير ربه سبحانه بحمده	لو راح يمرض مين هيعالجه
أعيش في سلام وحب	با حلم أطير وأغنى
ويعبر الكون في سلام	ويطير حمام النوام

ويعبر الكون في سلام

إيناس أحمد فتحي

١٤ سنة


محافظة بنى سويف



## حلم مصر

بحلم بمصر جنة	فيها حب وحنان
الكل يحب غيره	وتخضر الغيطان
بحلم بلعبة لكل طفل	وكوب حليب في الصباح
وغنوة تكون أصيلة	بدل الصراخ والنواح
بحلم بتعليم حقيقى	وتختة لكل طفل
وهواية جوه فصلى	تكون غذاء لعقلى
ونلغى الدرس الخصوصى	ويبقى العلم شغلى
بحلم بجنانين كثيرة	
ألعب أنا وأخويا	وفى المغرب نعود
بحلم بتليفزيون بلدنا	يخس بيا فى براجمه
بدل ما افتح الألقى	شيكايكا ورقصة رامبو
بحلم بمصر جنة	وفيها حب وحنان
الكل يحب غيره	وتخضر الغيطان

إسراء سعيد عرفات  
١٢ سنة  
محافظة الفيوم



## بحلم بالحرية


بحلم أكون عايش بحرية  
من غير قيود أعيش حياتي  
أنا بقول حكايتي دينة  
أصل أبويا كان شوية  
أنا عاوزك تدخل كلية  
وتنول وظيفة حكومية  
يا أبويا متغصبش عليا  
دي حياتي ماعيشها على كفي  
أو أسمع مسلسل في التلفزيون  
كل شىء ممنوع ممنوع  
وليه كلامي مش مسموع  
وان جيت أعبر عن رأيي  
أنا نفسى أعمل مشروع  
ودي حاجة مش صعبة  
أنا باحلم وحلمى بعيد

لا حد يأمرنى ولا يتحكم فية  
هى دى الديمقراطية  
من قهرى واللى بيحصل ليه  
يقول لى ذاكر للثانوية  
وتجيب الدرجة النهائية  
وتبقى راجل ليك ماهية  
اللى مكتوب هتشوفه عينيه  
أيه يعنى أشوف لى أغنية  
أو كمبيوتر واللاهى دى القضية ؟  
يا أخوانا دا كثير عليه  
ياوالدى متحس بييه  
يقول لى بنرد عليه  
أو حتى أتعلم صنعة مهنية  
ما دام ح حقق ذاتى بجديفة  
ويمكن يتحقق ليه

إبراهيم أحمد عبد الباسط

١٦ سنة

محافظة الأقصر



## إِذَا وَأَنتُمْ


العمل علينا واجب  
علشان حملنا ثقيل  
لازم ضميرنا يصحى  
ونحقق المستحيل

أحلامنا والله كثيرة	ويس نمرق عشائنا
مكتبة في كل قرية	كمبيوتر في كل بيت
وأغاني هادفة أصيلة	عشان من تلفزيون بلدنا جريت
عايزين فساتين رخيصة	يبقى بنى مصانع كبيرة
عايزين أرض خضرا	يبقى نزرع في توشكى شجرة
ماحتش أحلم وبس	وأرض كـلامى رص
جيت أضرب مثل	إن الحلم معناه العمل
دى مصر حلوة بينا	والياس مش طبع فينا
هتعمل يا مصر خالص	والخيسر هيبقى ليننا

أملك سامح أحمد عامر

١٥ سنة

محافظة الفيوم





## قريب

سراب ضباب  
احترت فيه والعلم غاب  
لو حب كان ضاع الأحبة  
وسط الزحام وبين اللثام  
لا حبيب ينقذ  
ولا سجان  
يسجن شموعي  
ألمى بضلوعي  
من الحبيب غدره وكان ...  
غريب يا حلمي  
لو مال وكان  
فلوس ذهب وكمان مرجان  
وزمان قالوا

راح منه ماله  
بعد ما كان من الأعيان  
غريب يا حلمي  
حلمي عروسة  
تكون أنوثة  
بيضة وشقرا  
وعيونها خضرا  
لكن جاهل لو يوم ما طلها  
ونكدها زود عليك مرادها  
هتقول يا ريتني جوہ اللمان  
غريب يا حلمي  
أنا حلمي ستره  
رزقه وفضله

وشوية صحوة  
يبقى تمام  
ولا حد واخذ  
من الدنيا حاجة  
من غير كلام  
ده بس عمله  
غريب يا حلمي  
حلمي غريب  
لو شمس طلعت  
ولا بتغيب  
هو غريب وأنا غريب  
غريب يا حلمي

أسامة سيد على حسن

١٨ سنة

محافظة أسيوط



## بحلم ياايه ؟

تعرفوا بحلم ياايه ؟  
هتقولوا حلمك مستحيل  
بحلم بعضن كبير  
بحجم الكون  
يساع الناس بحالها  
يربط قلوبهم بالمحبة  
بالحب يكبر حبة حبة  
لحد كل الكون  
ييقى حب  
بحلم كمان  
بخير وأمان

لمصر أم الهرم والنيل  
بحلم عشانها حلم جميل  
تكون قسوة وغنية  
وتصنع ألف مجد جديد  
ويخرج منها ألف نجيب  
والسف زويل  
وأحلم إننى أكون فارس  
وأرفع راية الأوطان  
أكون فارس فى أى مجال

بشرف مصر  
أضيف بوصفة  
لقامة مصر  
وأضيف طوبة لأهرامها

شريف عبد الناصر نصر  
السنه  
محافظة بورسعيد





## ماذا تصرف عن الإدارة المركزية للطلائع بوزارة الشباب؟

تعمل الإدارة المركزية للطلائع بوزارة الشباب على مواكبة السياسة العامة للدولة بتوجيه الاهتمام للنشء والطلائع باعتبارهم أبناء الحاضر ورجال المستقبل وأمل مصر المشرق. وذلك من خلال توسيع قاعدة الممارسين من الطلائع لأنشطة المختلفة الثقافية، الرياضية، الفنية، العلمية والتي يتم تنفيذها بمراكز الشباب المنتشرة بالمدن والقرى والنجوم بمختلف محافظات الجمهورية والاحتشاد المبكر للمبدعين في هذه الأنشطة ورعايتهم وإشراك المتميزين منهم في الاحتفالات والمناسبات القومية وتمثيل مصر في المحافل العربية والدولية.

هذا بالإضافة إلى التعاون مع عدد من الوزارات والمؤسسات والجمعيات الأهلية المعنية بالطفولة ووسائل الإعلام المقروءة والمسموعة والمرئية. وتسعى إلى دمج فئات المجتمع من النشء والطلائع مع أقرانهم من ذوي الاحتياجات الخاصة من أجل دعم العلاقات الأخوية بينهم لخلق مجتمع متعاقد ومتراابط

ولاحزيد من المعلومات يمكن زيارة موقع طلائع مصر على شبكة الانترنت وهو [www.pioneersegypt.com](http://www.pioneersegypt.com)

## الإصدارات القادمة



717  
3  
55

Bibliotheca Alexandrina



0473175